



第一三二六冊

四庫全書

●上海古籍出版社

本冊目次

午 亭 文 編
讀 書 齋 偶 存 稿

清 陳廷敬撰……………一
清 葉方藹撰……………七四五

欽定四庫全書

集部

午亭文編卷一至三

欽定四庫全書

集部七

午亭文編

別集類六一國朝

提要

臣等謹案午亭文編五十卷

國朝陳廷敬撰廷敬字子端號說嚴澤州人順治戊戌進士改庶吉士授檢討本名敬以是科有兩陳敬奉

旨增廷字官至大學士謚文貞嘗著尊聞堂集八十

欽定四庫全書

午亭文編

卷晚年手定為此編其門人侯官林佶繕寫付雕午亭為陳氏陽城別業因水經注沁水逕午壁亭而名所謂午亭山村也集中詩二十卷祿著四卷經解四卷奏疏序記及各體文共二十卷杜律詩話二卷廷敬家故多藏書少時即能縱觀喜為詩歌門徑宗仰少陵頗不與王士禎相合而士禎其奇其詩所為古文汪琬見而大異之遂肆力焉其生平回

詳校官庶吉士臣汪彥博

助教臣常循覆勘

總校官庶吉士臣倉聖脉

校對官中書臣牛稔文

脩錄監生臣許紹錦

翔館閣遺際

昌期膺受非常之

知遇出入

禁閤幾四十年正值

國家文運昌隆之時而廷敬以淵雅之才從容簪

筆典司文章得與海內名流以咏歌鼓吹為

職業故其著述大抵和平深厚當時咸以大

手筆推之卷首有廷敬自序謂于汪王不苟

欽定四庫全書

午亭文編

三

雷同然其詩文實各自成家分途競爽雖就

其才力之所及蹊徑不無稍殊而要為和聲

以鳴盛則固無異軌也乾隆四十三年三月

恭校上

總纂官_臣紀昀_臣陸錫熊_臣孫士毅

總校官_臣陸費墀

午亭文編原序

吾六七歲從塾師受句讀見左氏尚書傳喜而竊誦之
雖訶其不急弗顧也後每見古文輒喜誦之家故多書
世父道莊府君有文為廬吏以御史視江南學政皎皎
潔嚴踰太行而北也橐中蕭然不足具芻糧顧獨載書
卷以歸詒吾兄庶常君庶常尤好古文先太宰公命余
從之學乃盡發其新舊書得縱觀焉為詩誦古文辭年

二十釋褐登朝優游詞館與二三同學獨多為詩新城

欽定四庫全書

午亭文編

一

王阮亭方有高名吾詩不與之合王奇吾詩益因以自
負然卒亦不求與之合非苟求異其才質使然也其間
亦復稍稍為古文以自娛長洲汪鈍翁見而大異之若
文故世父所知士吾感汪言遂肆力於古文若自有得
焉後

召見殿中余言貽上

詔求文學之士余言若文兩人皆官翰林益礪礪切靡
為學以求進於道汪未久告歸吳中王今且為名臣而

余隤然將老矣始吾於汪王顧頗自得不欲苟雷同豈
惟才質乎將以力之所近者求至於吾道焉已耳古之
為文者非以其辭期於明道也故或即道以為文或因
文以見道其致一其勞逸殊也見今世有有道而能文
如二子者與吾忻慕焉頃理舊藁因自叙其為學之大
意如此澤州陳廷敬序

欽定四庫全書

午亭文錄
原序

二

欽定四庫全書

午亭文編卷一

大學士陳廷敬撰

樂府

朝會燕饗樂章十四篇

并序

康熙二十年十二月定饗祀樂章

詔禮部翰林院議明年正月尚書

臣帥顏保學士臣陳

廷敬等集議言

欽定四庫全書

午亭文錄
卷一

郊

廟樂章

世祖章皇帝所親定臣等不敢變易獨朝會燕饗沿習

前明典章未備祈

勅下臣等考古樂之原定聲律之節作為雅歌用昭盛

美

詔曰可於是禮臣曰此詞臣職也以屬臣廷敬臣待臯

學院事乃集諸詞臣謂之曰廷敬材能淺薄不足以光

制述之事樂歌之作無如公等為宜諸詞臣固以讓臣

臣不得辭嘗考古樂之備者莫如詩朝會之樂正大雅

之詩是也燕饗之樂正小雅之詩是也漢以來失雅詩

之義魏得杜夔所傳古樂四篇遂倣鹿鳴作於赫篇以

祀武帝倣騶虞作巍巍篇以祀文帝倣文王作洋洋篇

以祀明帝則直以雅為頌且亂以風又烏能得雅詩正

義乎晉以後去古雖遠間存雅詩之遺逮梁武帝南北

郊明堂太廟三朝悉名為雅則是頌聲亡而正雅之用

欽定四庫全書

卷一 樂一 雅

二

混也唐分雅俗二部然所謂雅者以別俗之名耳其實

皆俗樂也宋郊廟之樂曰安其義亦猶唐曰和隋曰夏

也而朝會燕饗之樂亦以安名詞皆短歌其亦猶有雅

詩之遺意者與惟六變之曲聲調靡曼實皆五字長句

也及乎明之樂無有足觀者矣我

朝

郊

廟之樂名曰平今臣所撰樂章實先定名義

朝會

皇帝升坐曰隆平還宮曰顯平

萬壽升坐曰乾平還宮曰泰平元旦升坐曰元平還宮

日和平冬至升坐曰遂平還宮曰允平小宴升坐曰協

平還宮曰興平

郊祀導迎曰祐平

廟祀導迎曰禧平謝見曰慶平外藩謝見曰治平雖略

做乎宋而要皆以雅詩之義為準至於六變之曲則樂

欽定四庫全書

卷一 樂一 雅

三

無取焉臣又嘗誦正雅朝會之詩曰無念爾祖曰無遏

爾躬燕饗之詩曰視民不佻曰偏為爾德罔不盡其反

覆丁寧之意而不專主乎鋪張揚厲之辭臣雖愚陋竊

取此義故十四章之中所以陳述天命之不易大業之

艱難者雖不能盡其辭亦略舉其指焉臣不任皇恐頓

首謹序

朝會

皇帝升坐中和韶樂作奏隆平之章

赫矣天鑒眷求惟聖保右我

清既集有命假樂大君天位以正位下有容監于萬方
念茲崇功駿命孔常

右隆平之章十句

皇帝還宮中和韶樂作奏顯平之章

於昭

三后誕降世德亶亶我

皇克艱家職治定功成中和建極龍飛在天鳳儀于庭

欽定四庫全書

卷一 五

式奏王夏垂億萬齡

右顯平之章十句

萬壽

皇帝升坐中和韶樂作奏乾平之章

二儀清寧三辰順則維

帝凝命函冒區域仁恩廣覃訖于動植久道化成隆功

駿德

聖人多壽年世萬億

右乾平之章十句

皇帝還宮中和韶樂作奏泰平之章

鑒觀惟德丕命惟

皇肇茲壽域薄海要荒物性育茂謠俗樂康冠帶之國

望斗辨方曰惟萬年同于昊蒼

右泰平之章十句

元旦

皇帝升坐中和韶樂作奏元平之章

欽定四庫全書

卷一 五

於穆

元后敬授人時四始和令三陽肇基鸞路倉龍載青其

祈迎氣布德百工允釐行慶施惠及我烝黎

右元平之章十句

皇帝還宮中和韶樂作奏和平之章

有奕元會

天子穆穆踟躕羣公至自九服正朔所加海外臣僕率

土惠懷萬民子育千齡億祀永綏第祿

右和平之章十句

冬至

皇帝升坐中和韶樂作泰遂平之章

乾符在握道轉鴻鈞天心見復物始資元景長舜日紀協堯春玉琯應瑞寶歷肇新衆正有位輔翼

一人

右遂平之章十句

皇帝還宮中和韶樂作泰允平之章

欽定四庫全書

平定文編

六

皇帝在宥一陽斯溥淵默臨朝天職修舉君子道長駢珪聯組占日書雲產祥降嘏宜暘而暘宜雨而雨

右允平之章十句

小宴

皇帝升坐丹陛大樂作泰協平之章

聖皇莅止穆穆皇皇百爾卿士章服斯光吹笙鼓琴式燕嘉賓萬福既同歸美

一人

右協平之章八句

皇帝還宮丹陛大樂作泰興平之章

湛湛露零維豐之芑猗與在公思皇多士宴示慈惠以洽百禮敬慎威儀福祿來只

右興平之章八句

郊祀導迎樂作泰祐平之章

皇天有命

列聖承之我

欽定四庫全書

平定文編

七

后配德文匡武綏海隅寧謐神靈宴娛於萬斯年流慶降釐

右祐平之章八句

廟祀導迎樂作泰禧平之章

於

皇紹烈累熙重光銷鑠羣慝我武奮揚肅肅清廟戕戕奉璋奠粢斯馨祚命無疆

右禧平之章八句

謝見丹陛大樂作奏慶平之章

皇覆萬寓品物咸亨九賓在列百譯輸誠濟濟卿士式造在庭

帝仁如天

帝明如日親賢任能愛民育物禮備樂成聲教四訖

右慶平之章十二句

外藩謝見丹陛大樂作奏治平之章

天盡所覆以昇我

欽定四庫全書

卷一

八

清我德配命涵濡羣生萬國蹈舞來享來庭俱俱傳傳

視彼千戚

天威式臨其儀不忒

右治平之章十句

獻平漢雅表一首

廷敬嘗誦詩見大小雅六月采芑江漢常武皆言周

宣王南征北伐興治撥亂以定四方平天下之功

臣嘗

竊歎以為如詩所載可謂盛哉後讀柳宗元平淮雅表

言宣王之形容與其輔佐由今望之若神人然直以雅

之故也臣按宗元意以謂宣王定四方平天下苟非其

臣尹吉甫召穆公輩作為雅詩傳之于今今雖欲望宣

王之形容及其輔佐之盛其道無從而宣王定四方平

天下之功亦不能赫赫必傳於後世烏虜宣王之功後

罕匹矣迺推較往古驗之方今功德盛隆邁于周雅而

適無有尹吉甫召穆公其人播為聲詩彰大其道其何

以昭宣治績丕揚成功傳之於後然則雅之作厥義重

欽定四庫全書

卷一

九

矣哉臣伏見

皇上文武神聖天錫智勇光宅天下莫安八荒仁威所

加率土內外罔不聳服乃有孽臣潛伏伺釁煽搆禍亂

震搖我疆罔倣擾我人民

皇上赫然一怒命將授鉞頃年以來定秦隴降閩海平

兩粵收巴蜀天兵所向次第告捷而滇逆竊據南楚實

為亂首

皇上神機中斷指授規略掃清湖湘進克黔南破堅摧

險直薄滇城之下師久不解

朝旨督進軍麾一動氛侵消滅皆由

廟堂動罔遺策是以疆場舉必有功海外怖駭臣黎惟

躍太平之會實當今日臣嘗計滇逆之興亂干誅也耗

糜帑賦私藉甲兵招納亡命擅行威福尾大不掉反勢

已成正如漢削七國唐縱藩鎮蚤發則易圖優容則難

拔故三藩之事

聖慮先覺不辭大創之勞永奠萬年之治臣所謂功德

欽定四庫全書

平定四庫全書

十

過於宣王而大雅不作不勝感焉顧朝臣至多豈無尹

吉甫名穆公其人者以颶

大清之盛美於無窮臣獨何人敢專斯事然臣備員法

從尤以文章為職業不得以能薄材謏不足以自効為

解謹撰平滇雅三篇再拜以獻臣廷敬誠惶誠恐稽首

頓首謹言

平滇雅三篇

并序

岳湖洋洋我武洸洸謂南有藩無敢撼我疆岳湖滔滔
我武踴躍謂南有藩無敢開我郊一章
我疆大矣我圉溢矣牙孽其間竦棘合蝟昔我南藩化
為異類二章
帝曰大君以覆以載推食以食解衣以衣遷之善地勿
剪勿拔三章
彼惟狂昏狡焉生心肆為誅首啓戎于南如螳奮臂如
蚘決皆首仰臆張如豕斯驚四章
欽定四庫全書

平定四庫全書

十一

惟

帝咨嗟惠威是崇薄往禽之孰佐予功予矜下民救此

一方取其殘凶是類是造禍于臨衝措矢敦弓五章

我弓我矢靡旌摩疊兵無遺鏃耕無失耜天塹茫茫限

此江水既斷其趾且斬其頰六章

盜負險阻距趯躍跟翔飛饑獻羽翅以張候在太白占

于天狼我涇我隴是震是驚七章

維彼閩粵波盪海垠

帝屢下顧哀此墊昏盜往連結倚以父母乃餌乃誘乃
為盜守 八章

帝援天矛鋌羽截鱗嶺海革面蒙羞來臣禽虺于威奈
肌于思盜失厥助飛魄殞命 九章

老雄野死梟雖棲棲巢湖飲江傾搖于波爾居艱晚我
步逶遲大袒高驤賊馬遯逃 十章

洞庭湯湯岳陽峨峨載驅載馳爰拔厥家 十一章
惟人歸德惟

欽定四庫全書

卷一 文編

十一

帝之謨窮經窟宅是剪是屠我武輝耀式廓鬼區百蠻
萬國僕我來蘇 十二章

岳湖十有二章八章章八句二章章六句一章
十句一章四句

湘東克衡也衡盜倚為巢克之武功將成也

師踰于江于湘之東師如雷馮震衡岳以尊一夫為逆
多方則病播虐抗有德我人斯奮卒歸厥命 一章

歸命伊何衡人之災衡盜所家追奔逐北犀甲雕戈虎

折龍節

天威所加 二章

帝臣如虎

帝師驅武烈烈捐旌洲洲金鼓嶷嶷綏章嘽嘽戎路莫
我敢拒 三章

右刘武陵左埽星沙磨崖岫嶺我功孔嘉戎馬晨服候
烽火遮荆絕惡本敢違萌芽 四章

其恃楓木其恃辰龍震之拔之自西自東陟嶺踰徽干

欽定四庫全書

卷一 文編

十二

山于川遠招邇歸囚豪解顏 五章

東西合師進次于沅孽童日蹙怙尤忍頑左擣其虛右
攻其堅載關載拔會于中權 六章

既克于沅沅人嬰嬰如日之昇如霖遇晞以肉其枯以
勅其羸式歌且舞以樂我師 七章

南訖羅施來迎壺漿鳴鞀鼓洗兵盤江彼冠與屨晝
匿宵奔漢人荒茶待我于門 八章

凡此滇功惟斷乃成古者推轂相外以行今者決勝一秉

廟庭孰是遺孽而歷

睿明九章

師徒渾渾漸集于渙惟

天威武監官臣恪守乃獲其醜保大定功流聲焉窮

十章

湘東十章一章九句三章章七句六章章八句

渙池盜伏于渙師受

聖策平之武功成也

渙池洵洵

欽定四庫全書

牛序文編
卷一

十四

帝乃平之匪彼元戎惟

帝之功高居北極洞視下方惟仁智勇克靖萬邦

一章

帝命臣塔汝從西粵急擣其窟塔拜受

命銜枚束刃環渙其來龍駭鵬騫軍聲轟然如墜自天

二章

帝命臣里汝從巴蜀橫剪側入里拜受

命量沙追蓐有疾其驅無暴我邦踣柵趾壘言壁其東

三章

帝命臣泰汝從黔超惟此蠹賊數載曠誅汝將士用命賊其敢通泰拜受

命于

皇之訓

四章

我旄我旗于苗于蠻度幕輕留彌險敵闕奪其阻隘撤

其籬藩獸窮負嵎我師固以完

五章

帝命我師勢為犄角麾城擄邑萬里手握維彼穀麋敢

抗喬嶽維彼萌枿敢傲霜電

六章

欽定四庫全書

牛序文編
卷一

十五

彼枿繁矣于焉蟠根雨露既濡忘

帝力之勤

聖人神武施設芟夷斯彼梟鶩張我熊螭

七章

條鐔批亢下甲陷堅張翼舒合圍于原獸窮于阱人

或獸哀快彼凶醜覆卵毀胎

八章

帝曰吁嗟勞我人師日費百萬大農不支渙人望拯如

鋪療饑載礪載攻

天策攸宜

九章

孟冬月杪師薄于城降播夕豎逆駭縱橫林野塗脂郵

驛遮顧滇人歌舞于屋于衢十章

夜半捷來

天心惻楚閔憐下氓罹此荼苦我將我師于野暴露布

惠醕功急疾如火十一章

于

廟于

郊其儀孔熾華俎膾牲永言昭事都人士女白粢黃童

欽定四庫全書

卷一 文編

六

歡呀噓笑祝我

聖躬十二章

帝曰歸來予開明堂制禮興樂登賢拔良孩養無告施

厚仁滂熙我庶績綱舉目張永萬斯年率由不忘十三章

渙池十三章十章章八句二章章九句一章十

句

北征大捷功成振旅凱歌二十首并序

日者

皇上北顧邊陲永惟戡定

聖心獨斷決策親征羣臣震悚表請遵命將士毋煩

車駕遠行蒙

詔旨開喻弗允臣廷敬伏念

皇上為天下勤勞歷涉沙磧躬莅戰陣而臣下晏然安

處其何以自寧於時奏乞扈從仰蒙

天心矜憐謂臣年力就衰

恩旨下頒臣恭聽之頃不覺涕零伏念臣以衰薄不克

欽定四庫全書

卷一 文編

七

備戎行効職役今者

天戈一指兇醜破滅朝至暮捷功成漏刻敷天率土罔

不懽忻臣受

恩高厚無所報稱惟謹述文句以導揚

盛德於萬一而臣愧非其才惶恐踰時復不能自己臣

伏見

皇上覆育四海撫有萬邦東西朔南懷仁歸義聲教所

通遐荒異域侯王君長稽顙闕廷至若

聖略

天威武功不顯

御極以來平察哈爾定三逆取臺灣服倭羅斯收喀爾喀埽蕩邊塵廓清疆宇固已烜赫炳耀亘古今而昭天壤弘恢服而莫生民矣迺魯特噶爾丹者違我德化自絕生成梟獍猖狂侵我屬國洵法所必討師出有名皇上躬御六龍親護諸將驅鷹揚螭虎之士臨大荒盡窮幕風行電激聲震雷霆而天申顯佑百靈効順風雨不驚水草應候時日吉良士馬利賴殲廿年逋誅之寇建萬世不拔之功此誠開闢迄今簡冊所宣布宇宙所流傳

欽定四庫全書

卷一百一十五

七

聖績神猷曠古無匹者也臣雖不能侍

行幄至營壘親見剪穰屠戎之盛猶欲形之篇翰製為詠歌以敬颺我九伐之光明亦臣之至幸也謹按王師大獻秦愷樂周禮始著其義釋者曰愷兵樂也司馬法云得意則愷樂所以示喜也漢有短箫饒歌魏克官渡

晉征遼東皆製歌曲被之聲樂凡以諷道戰伐之事而

申寫三軍凱樂之情唐柳宗元有饒歌鼓吹曲宋有姜夔聖宋饒歌曲皆其所自作以進之朝廷此皆古體詩也然自岑參劉禹錫諸人已自以今體為凱歌聲調具有風雅之遺臣今竊取宗元變進詩之義詩用參禹錫之體作北征大捷功成振旅凱歌二十首臣目雖昏眊勉自繕寫字畫蕪穢仰塵

慈覽臣不任榮忭不任兢惕之至

欽定四庫全書

卷一百一十五

七

皇家本意為銷兵刻日邊沙一戰清九伐元從

天子出翠華親總六師行

聞道神功斷乃成盈庭連表諫

親征誰知

聖算高千古一著戎衣定太平

蕭蕭龍笛出關聲雲旂翻朔吹輕十萬羽林眠夜月

迴看北斗挂南營

汗馬河源飲欲乾夕陽萬竈冷炊烟

玉鞭應有山靈護指處三軍見井泉

宜陽時節草芊芊便是窮荒大有年風伯雨師齊効順可知

聖德格皇天

算得西營計日糧

玉音纔罷見封章懸知宿飽三軍士金革銜恩在戰場

祇為生民事遠征前軍馬上捷書成絲綸簿載蛟龍筆

批答人知出塞情

月上旌門映細旂旄頭影落斷狼烟尚衣高鎖黃金甲

欽定四庫全書

牛字文編
卷一

千

長記龍韜決勝年

開拓邊疆四接天職方環海浩無邊黃雲萬疊青霄外

收取山河直到燕

苗格于今正七旬兩階千羽更森森金收瀚海為靈囿

要置天山列禁林

幕南庭北接

王畿一道清塵捷騎飛四十九藩先拜舞朔天生養在

皇威

漠漠雲隨露布生人知天意為

親征朝衣半溼蒼龍雨點點分明淨洗兵

迴軍吹角罷連營疊鼓風多破陣聲寫入

天朝新樂府流傳奕世見昇平

武功文德並崔巍

聖藻篇章每獨裁萬古燕然留片石磨崖共仰勒銘迴

春歸苑樹別長安六月龍沙草露溥邊柳千條花萬朵

一時留助凱歌歡

欽定四庫全書

牛字文編
卷一

千

今來楊柳正依依昔去關山雨雪霏魚海輕陰猶未散

五雲常繞六龍飛

天廐驍騰汗血斑嘶風別去箭雲還瓜時不遣黃龍戍

首指青青意自閒

九邊萬里抱神京地盡遙荒戍不驚夜夜關門開曉月

天家本不用長城

劍花弓月拂雲還歸路邊庭障塞間數首新詞翻鼓吹

凱歌聲裏舊關山